

蜀藏叢書

第二十四册

巴蜀珍稀教育文獻匯刊

主編 李

高志剛

成都時代出版社





蜀藏叢書

第二十四册

巴蜀珍稀教育文獻匯刊

主編 李勇先 高志剛

成都時代出版社

# 目錄

## 第二十四冊

- |                    |         |                  |     |
|--------------------|---------|------------------|-----|
| 光緒十四年戊子科四川鄉試錄續     | (清)佚 名編 | 清光緒年間刻本          | 一   |
| 光緒十四年戊子科四川鄉試第二房同門錄 | (清)佚 名編 | 清光緒年間刻本          | 四一  |
| 蜀省鄉試題名錄            | (清)佚 名編 | 清光緒十四年《益聞錄》第八一〇期 | 一七一 |
| 光緒十四年戊子科四川鄉試題名錄    | (清)張百熙編 | 清光緒十四年刻本         | 一七五 |
| 光緒十五年己丑恩科四川鄉試硃卷    | (清)佚 名編 | 清光緒年間刻本          | 三一五 |
| 光緒十五年己丑恩科四川鄉試硃卷    | (清)佚 名編 | 清光緒年間刻本          | 三四一 |
| 電傳四川鄉試題名全錄         | (清)佚 名編 | 清光緒十五年《益聞錄》第九〇六期 | 三五五 |
| 光緒十五年己丑科會試硃卷(四川)   | (清)佚 名編 | 清光緒年間刻本          | 三五九 |
| 光緒十六年庚寅恩科會試硃卷(四川)  | (清)佚 名編 | 清光緒年間刻本          | 四三九 |

(清)佚 名編

光緒十四年戊子科四川鄉試錄

續

清光緒年間刻本



策五道

第一問

藍光策

候補知縣王宮午閱薦

副考官翰林院修撰趙以燭批考證精詳

正考官翰林院編修國史館協修張百熙批援引明確

經學惟三禮稱繁重先王制度體大思精  
考核不詳未易觀會通也按周禮六官三  
百六十邱氏吉甫謂五官各有羨數冬官

全無漢儒補以考工記今考天官羨三地  
官十九春官十夏官九秋官六五官總羨  
四十七蓋司空屬官雜五官中參觀程泰  
之斷簡失次之說取羨數凡百功之事歸  
之冬官其數乃周說亦近理宋歐陽修疑  
周公設官太多病無祿給所計鄉遂閭師  
之類而周公立法正恃此爲樞紐古之田  
祿與後世異况鄉遂羣士乎冢宰兼總六  
官膳服嬪御亦領之蓋冢宰以道詔王格

心輔德周公深慮非淺識能窺敘官臚列  
九嬪無三夫人考昏義云天子后立六宮  
三夫人九嬪二十七世婦八十一御妻鄭  
氏本之以注周禮據內宰以陰禮教六宮  
九嬪以婦職教九御大祭祀正后服位而  
詔其禮樂之儀贊九嬪禮事內小臣詔后  
禮事相九嬪禮事內師服凡祭祀賓客共  
后之衣服及九嬪世婦追師掌王后首服  
皆言九嬪不及三夫人若有其人則祭祀

賓客皆當從后與其事何獨無夫人亦當有服何以共后與九嬪世婦之衣服不及夫人周語內官不過九御魯語曰入監九御韋注並云九嬪九御月令后妃帥九嬪御皆不及夫人則周禮無三夫人明矣大司徒正月之吉注云周正月朔日正歲令於教官注云夏正月朔日爲三正並用逸周書閏月解曰亦越我周改正以垂三統至於敬授民時巡狩烝享猶自夏焉正謂

此也推之函詩七月篇凡言月皆夏正其  
言感發栗烈于耜毛詩曰一之日周正月  
二之日殷正月三之日夏正月亦三正並  
用之證儀禮士昏自納采及親迎無告廟  
之文白虎通義嫁娶篇曰不告廟者明娶  
之不必安也鄉飲酒禮其目有四據賈疏  
一比賓賢能二黨正蜡祭三州長春秋習  
射於序四卿大夫士飲國中賢者燕禮之  
目亦四一諸侯無事而燕二卿大夫有王

事之勞三卿大夫有聘還與之燕四四方  
賓客與之燕合樂歌召南三篇越草蟲取  
采蘋者按詩正義曰草蟲舊在采蘋前曹  
氏粹中詩說謂齊詩先采蘋後草蟲然則  
合樂歌鵲巢采蘋采蘋皆言南國被文王  
之化諸侯夫人大夫妻亦被后妃之化聖  
人取義精三詩應相連爾宗法詳於戴記  
箋註議論麻起蓋宗法由別子而生不必  
問別子所自出鄭氏泥之所自出四衍文

故其注小記指別子爲諸侯庶子注大傳兼言來自他國之臣陳定宇陳大可更加起民庶而爲卿大夫者而爲三程叔子呂伯恭陳器之等皆同小記注聖人之教孝也達乎天下必拘爵位士庶獨可忘始祖可祭禰祖曾高無差等乎反覆經文知族人所以重大宗大宗實始祖之正體族人不得祭始祖得宗別子世適以共祭別子百世有正適族人百世有始祖其百世不

遷不可遷也有繼別百世不遷之大宗而後四小宗不忘本支所自出此宗之所以言大也張子之言曰所謂宗者以己之旁親來宗己非己宗於人也族人所以重小宗小宗實禰祖曾高之正體庶子不得祭禰祖曾高得宗禰祖曾高世適以共祭禰祖曾高百世有世適同族之庶子百世有禰祖曾高有繼禰祖曾高五世則遷之小宗而後五宗之支子庶子不忘本支所自

出故張子言繼禰則爲繼禰之宗繼祖曾  
高則爲繼祖曾高之宗此宗之所以言小  
也小之義有曲成不遺之義焉大之義有  
範圍不過之義焉遵斯道也天下人人不  
忘禰祖曾高始祖所自出而尊祖焉經言  
之矣尊祖故敬宗敬宗尊祖之義也夫安  
得有廢適陵長遠忘疏薄骨肉如行路者  
觀於宗法而後歎先王以孝治天下也呂  
東萊以禮樂說易有取於上天下澤履雷

出地奮豫二言按履與禮通故易履霜鄭  
讀履爲禮孔疏云履以二卦上下之象言  
之則履禮也在下以禮事於上故云上天  
下澤履疏豫象云雷是鼓動故先王法此  
鼓動作樂又漢書敘傳云上天天下澤春雷  
奮作先王觀象爰制禮樂呂氏之言非無  
本也虞書五禮三禮孔疏舜典五禮爲吉  
凶軍賓嘉於臯陶謨則爲公侯伯子男五  
等之禮三禮祀天神地祇人鬼也杜氏伏

義神農黃帝之說遠難稽矣王應麟謂詩  
與禮相爲表裏觀賓筵行葦可見大射儀  
楚茨可見少牢饋食禮昭公二年晉韓宣  
子聘魯觀於太史見易象春秋曰周禮盡  
在魯矣蓋必起自伯禽之封以洎於中世  
當周之盛朝覲會同之事皆在焉按杜元  
凱自著春秋經傳集解序明言韓子所見  
周之舊典禮經又隱七年謂之禮經注亦  
云周公所制可知韓宣所見非孔子刪定